

تاج الراس يا عباس يا روح العقيله  
لحظات العتب صعبه ارحم حالي بالغربه

\* \* \* \*

ليلي طال وبها الحال جسمي تشتعل ناره  
بين اغراب دون احباب وحدي والله محتاره  
دمع العين بالخدين عكلي تاقت افكاره  
والمجروح مثلي اينوح ويحن لهله ودياره

بالاهات والزفراث والوننه العليله  
كلبي ما سكن نحبه ارحم حالي بالغربه

\* \* \* \*

ماني ابخير چني طير منه كسروا اجناحه  
راسي شاب ظني خاب جفني ما عرف راحه  
هم لفراگ ما ينطاگ كل آهاته ذبّاحه  
بفرض الليل دمع ايسيل وگلب يللم اجراحه

سيل هموم يا جيدوم ما يوكف مسيله  
كلها بروحي منصبه ارحم حالي بالغربه

\* \* \* \*

اغمض عين تسهر عين بين الحسره والونه  
احبس آه تطلع آه مثلي يا كثر حزنه  
اكتم ضميم دمعي غيم يمطر والألم فنه  
والبيبان للنسيان ما حد ليها يتعنى

غصني مال والامال بعيوني هزيله  
ضاقت دنيتي الرخبه ارحم حالي بالغربه

\* \* \* \*

\* \* \* \*

عوف الماي	يا وقاي	واكصد ساحل احضاني
عندي شوگ	للمعشوگ	وما عندي گمر ثاني
يا عباس	جمر أنفاس	يتلاهب في وجداني
كافي أغياب	عند الباب	گابي واگف أيتاني

كافي أصدود راعي الجود والهبه الجليله  
ومثلي ما ظن أتخبه إرحم حالي بالغربه

\* \* \* \*

هامه وعين	مخسوفين	ظني بهاي تتعذر
بلايا چفوف	في لطفوف	جسمك دامي وموذر
همس الريح	چنه أيصيح	عنهضه فلا أگدر
مو معذور	يلمنذور	تحمي مدللة حيدر

لا ميهون خدر الصون ومن غيرك كفيله؟!  
تحرس خدري وتحجبه إرحم حالي بالغربه

\* \* \* \*

ردتك طيف	بسمة ضيف	توگف جذمه يم بابي
عندي أعتاب	للغياب	ردتك تسمع أعتابي
بساعة موت	أسمع صوت	يجبر حزني ومصابي
يشفي جروح	گبل تروح	روحي ويحفر ترابي

وحين البين يمسح عين وما أرضى بديله  
ردتك توفي هال طلبه إرحم حالي بالغربه

\* \* \* \*